

# OMUKWETU

Registered at the General Post Office as a Newspaper

ELANDULATHANO LYELELO LYONGERKI

dr. L.Auala

Oshitya Ongerki, otashi ti shoka shOmuwa. Ongerki oyo olutu lwa-Kristus pa lKor. 12:12. Molutu omu na elandulathano lyelelo lyolotu aluhe. Oshilyo shimwe ngele tashi ehama, olutu aluhe olu uvite uwehame pamwe nasho. Osho wo shi li nomOngerki.

Oshigongingerki nEpangelongerki: MOngerki yetu etu na tango oshigongingerki shoka hashi toto ooveta, sha tala omagongalo agehe mOngerki. Omuleli omushona e li koho yOshigongingerki oye Epangelongerki ndyoka lya hogololwa kOshigongingerki. Iilyo Epangerki oyo wo oya kuthwa koombinga adhihe dhOngerki.

MOngerki yetu omu na (mEpangelongerki) omumbisofi, omupehawiliki-ngerki nomupeha gwaatumwa haa longo mOngerki ayihe. (Tala omadhina giilyo yEpangelongerki kEp. 5.) Egongalo kehe ohali tumu sakaleti-po yalye kOshigongingerki ya ninge iilye yokulela Ongerki.

Oshigongi shaasita: Oshigongi shaasita yOngerki, ohashi fanekele Epangelongerki sha opo Epangelongerki li shi thikithe kOshigongingerki. Ope na wo aatonateli yitayingerki, ya hogololwa kEpangelongerki nohaa longo omimvo ntano.

Oshigongi shaasita ohashi vulu wo okufanekela Epangelongerki kutya olve ta vulu okuhogololelwa oshilonga shoka shuutonateli.

Oshigongi shoshitayingerki: Oshigongi shika ohashi kundathana iinima yoshitayi shoka. Ohashi fanekele wo Epangelongerki li fale koshigongingerki iinima mbyoka yi na okufalwa ko.

Aasita yeshitayingerki: Oshitayingerki kehe oshi na oshigongi sha-sho shaasita.

Egongalo nelelogongalo: Megongalo kehe omu na omusita ngoka ta wili-ke egongalo ndyoka noha longo pamwe noshigongigongalo. Oshigongigongalo ohashi hogolola elelogongalo ndyoka tali longo medhina lye-gongalo. Aamashilonga ayehe megongalo kehe oya humbata oshimpwiyu oshinene.

Omutungilo aguhe nguka mOngerki, uukumwe otau tegelelwa u kale wa kola, ehungomwenyo, eyakulo lyevangeli pamwe nomasakramendi oyo tayi tungu olutu lwaKristus Ef.4:11-16.

OIKOLWIFA MOUNYUNI WETU

Exulepo loiwana yopaife otali leshwa unene mezwamo lokunwa mokati kovanyasha. Mefimbo lixupi la pita, oukolwe movanyasha owa hovela peedula 15, nde paife osha kuluka natango fiyo peedula 12.

MuNdowishilanda okwa konekiwa, kutya ovanyasha ve dule 600,000 ova ninga ovapika voikolwifa navahapu vomuvo ove li ashike peedula 17. Omuvulu ou otatau hapupala natango. MuAmerika ovanyasha ve fike lwopo 560,000 vopeedula 14 fiyo 17, ova pikwa koikunwa, fimbo oshilongo ashishe tashi tengenekwa peenghwate doikunwa eemiliona 9.

Apa otashi monika nawa, kutya luhapu enyonauko lovanyasha oli na yo enwefemo tali di movakulunhu. MuMeksiko ekonakono otali ti, kutya ngenge to ongele oungudu wovanhu oovatano, mokangudu keshe konyala ototange mo ongholwe imwe. Oku na yo nga enwefemo likwao tali dilile mokunwa kwopaukaume, ile pamwe pe lili.

Apa mOwambo efundja lokunwa oli na omadidiliko alo unene mounona va dalwa nova kulila moundingosho nomoukamba, omo oinuwa italala ngashi oshikundu, omeva okuwolo (Cool Aid) ile oinamunate itai longifwa nande.

Oikolwifa oshinima shikulu, nde apeshe opo sha longifwa, inashi holola eendunge dasha, osho omufitaongalo Natanael Shinana a popya mOshoongalengerki sha ELOK neudo omo oshipopiwa shoikolwifa sha li mo elipulo linene. Mokweeta kwaye eedjapo domOmbibeli okwa tumbula oukolwe wanoa eshi kwa li a nangala hamunghela na Lot ou a haela novana fimbo ehe shi shi. Tate Shinana okwa weda ko a ti: Opo pe fike eputuko nekoko leendunge, opo yo pe fike ehapupalo loikunwa.

Pamwe eshi otashi tu kumwe nekonakono lounyuni eli la tala, kutya Egipiti osho oshilongo shotete sha li komesho mokulongifa oikolwifa, osheshi osha kala nalenale meputuko. Exumokomesho otali pendula omalipulo mahapu movanhu naluhapu osha twala ovanhu mokunwa. Ovayeyurope vopefimbo eli, omakonakono otaa ulike, kutya vahapu otava tili-fwa okukala momwenyo omolwokupwilikina oradio yomafano (Televisio) ei tai pendula omalipulo onakwiwa.

Apa muNamibia shiimba kashi li ngaha, nde omalipulo avahapu otaa pendulwa kusha shi lili, osho itashi konekiwa noupu fimbo inaku ningwa ekonakono la kwata monghama. Otu na eengudu dihapu tadi lipula nomhito yoilonga ei da kanifa mefimbo eli. Oku na vamwe tava tale okunwa, kutya osho eputuko nomhepo yemanguluko eli la djuulukiwa kukeshe omulaule omu.

Otashi dulika yo kombinga imwe omhepo yokunwa apa tai hongai-fwa komalongekido epangelo eshi tali udanekele ovanhu okudika ponhele keshe eefitola domakende moshilongo. Epulo otali penduka apa, olyelye hano e na okukwafa moshiponga eshi, onaini nongahelipi?

Oukolwe noikolwifa oyo oudu wolutapo tau kwata umwe naumwe, fiyo oshilongo ashishe ile oshiwana ashishe sha ya mombete tashi vele. Ongerki oi na okuliholola moshinima eshi ongonhele yoshihakulilo shovaveli voikolwifa. Mekwatafano nEhangano lovalidiliki mOngerki, pu ningwe eemhangela neshikulafano (organisasie) nomakonakonolihongo (studieprojekte) mokati keengholwe mowshiwana.

Ngenge otashi kolekwa, kutya kape na omuti, u shi kuvelula noupu oudu woukolwe wa fa ohole, nena ohole ei i na okufininik. Ongerki okulitula moshilonga eshi tashi pula eimaliwa ihapu.

# OMBIMBELI NIIKOLITHA

LWOTANGO OTATU DHIMBULULA OMUSAMANE NOA TAKU TIWA, OKWA LONGO EPYA LYE NASHIMWE SHO-  
MIYIMATI YOMEYANA LYE OSHA LI OMIVIINU. EPYA OLYA VALA NAWA NEYAMBEKO OLINDJI, NOA  
OKWA NU OMAVIINU A KUTA NOKWA LALA A NYENGWA OKWIKWATA KIITETA 1 Mos. 9:20-24.  
ETHINGO OKUTHINGA OMWANA OLYA LANDULA KO MBALA. Ov. 25.

Omupsalmi ota tanga omushiti ngeyi: Ho me-  
nithile iimuna omwiidhi, niigwanga yokukwa-  
tha aantu. Osho ta menitha mo mevi oshi-  
kwiila nomaviinu haga nyanyudha omwenyo  
gwomuntu. 104:15.

Kalunga mwene ota uvanekele ishewe omuntu  
eyambeko sho ta ti: Oondundu otadhi ziya  
omaviinu omatoye .... Amos. 9:13.

Omagano ga tya ngaaka Noa okwe ga taamba wo  
momake gomushiti, ihe ina nongela oonkondo  
odhi thike peni dhi li mo. Omukwaniilwa  
Salomo ta ti:

Ino tala owala omaviinu nkene ga tiligana,  
goopala moshitenga... Navulwa taga lyana  
ngeyoka notaga hiya mo uuzigo ngashi ongolo-  
ka Omaj. 23:31.

Momathimbo agehe okwa fa kwa kqla ekondjo  
lyokukondjitha uulunde wela. Adam naEva  
oyo aatango okupundukithwa kela. Jesus me-  
makelo enene lyomombuga, okwa ti emakelo  
lyotango olya li okukondjitha ondjala  
Mat. 4:3. Koonkondo dhesindano lye, omo wo  
mu na etegameno lyetu okusinda nondjo ndji-  
ka.

## Oonkondo dhomaviinu

Oga tiliganeke omeho gaJuda yaJakob 1Mos.49,  
12. Jesaja ta ti: Omusaseli nomuprofeti o-  
taa yi oshidhungwe komagongo. Oyo otaa pu-  
ka momamoniko notaa tengenya mokusokola oo-  
hapu. 28:8

Oluhondelo noonkondo dhomagongo Omuprofeti  
Hosea ote yi tegameke pamwe sho ta ti otayi  
yugu omuntu oondunge 4:11.

Oshikaha shaKalunga oshi li kombanda yaa-

na ye note ya yambeke sho te ya indjipa-  
lithile omaviinu paAmos 9:13. Kalunga a  
hala wo okukoleka eitaalo lyaakulilwa ye  
sho ta longo iinyengandunge patokolo lye  
mwene ngashi a ningi mohango yomuKana sha-  
Galilea. Joh. 2:1-11

Kalunga ota dhike wo ehanganano lya kola po-  
kati ke nooitaali ye momaviinu nomoshikwi-  
la, iiyakulitho mbyoka tatu yi tala nome-  
ho, ihe otatu nyengwa oku uva ko muule.  
shono Kalunga e shi kwatelela mo. Mark. 14;22

Ombimbeli otayi tu hololele wo nkene Kalu-  
nga aalunde naamboka inaa hala okuvulika  
kuye te ya nwetha oshitenga shomaviinu go-  
ndjahi ye, ngoka Ombimbeli tayi ti kutya,  
inaga mikiswa nando nasha. Ehol. 14:10

Okutala ayihe mbika, otatu zimine kutya  
ngashi Ombimbeli tayi ti: Aana yaKalunga  
oyo ayeke taa mono oondunge dhokweendithwa  
kOmbepo yaKalunga Rom. 8:14.

(Sebulon Ekandjo)

ANO ONGAME OMUMANGWA MOMUWA, OTANDI  
MU KUMAGIDHA MU KALE NOKWEENDA NGA-  
SHIKA SHO OPALELA ESIMANO LYEITHANO  
LYENI Ef. 4:1

\*Ndjai hamushanga woshoongalele  
sheengerki adishe muAfrika, Canon  
Burgess Carr, okwa talela po Omu-  
papa muRoma nova kundafana oinima  
ya finana

## OMPITO YAAGUNDJUKA KUUTEOLOGI

Aagundjuka ya pita nawa oJuniold nenge omatilika, noye na eithano o-  
kuyakula Ongerki yawo noshigwana, oya tegelelwa ishewe mOseminali yuu-  
teologi muPaulinum, Otjimbingwe 1974. Ethimbo lyosikola oomvula 4.

Epopilo lyomusita gwegongalo nonzapo yekonakono lyomundohotola nehoko-  
lolo lyomulongwa mwene lyokukalamwenyo kwe, otayi pumbiwa komukuluntu  
gwosikola. Pethimbo lyeilongo, omulongwa kehe oku na ompito yokwii-  
longela odiploma mekwatathano nooseminali dhuuteologi ku S.A.

SHIMWE SHA HOLEKWA OMUNAMIBIA

Unene pethimbo lyongashingeyi, osha konekwa nawa pailonga (prakaties) nopamishangwa (teoreties) nkene iikolitha tayi nkundipaleke nayi omuntu, unene uuLuyi, eliko, eihumbato nombepo yuupenda moshigwana.

To shi itaale nenge ito shi itaale, wa hala oku shi uva nenge ino hala, otandi shi popi nomuthindo omunene, kutya Omunamibia thikama, to-nata u tale oshiponga shiikolitha moshilongo sheni.

Uunkundi wuuluyi

Moshigwana shetu omwa kala shito aantu oyendji haa vulu okwiinekelelwa iimpwiyu iinene, ihe ngashingeyi oonakwiinekelelwa iinima otaa konakonwa. Ou shi shi kutya osha zi peni?

Mboka ya li yi inekelelwa nale ngele ngashingeyi kee shi onkolwe, nena omunanyalo. U mu pe oshilonga ite shi gwanitha. U mu inekelele sha ote shi li po muunkolwi. Emanguluko moondunge dhoshitya sho she-ne, okwiinekelelwa okuhumbata iimpwiyu iinene moshigwana.

Yelutha omeho goye u tale, kutya hakehe shoka tashi ya moshigwana u shi taambe ongehukumomeho. Iinima yinwe oyi li eshunomonima manga in shi koneka. Lesha omambo, konga uunongo. Uunongo kau na mwene, owomuntu kehe ngoka e u hala -- omupenda ke yelwe ndishi!

Muuyuni omu na aantu taa ihepekele iigwana yawo, taa li oshikwiila nomazigudhe, ngashi osho oshipango shaKalunga mwene shoka ite etha shi mbonyagulilwepo memanguluko lyomuntu.

Ekanitho lyeliko

Uunkolwi owo ekota lyonyalo nolyiihuna ayihe. Ondi inekela oto zimine pamwe nangame nkene muNamibia, unene mOwambo, aantu taa si oluhepo konyalo. Ngiika wa hala okwiipopila kutya: "Katu na iilonga." Ngame otandi ku pula: Iilonga yini?

Omulumentu gumwe okwi ilikolele oshihauto nositola mokuhalitha iikuni mbyoka a li ha ka tuta netemba lye kokuti uule woomaila odhindji. Muumaliwa wiikuni omo a mono oosenda ndhoka a landa oothewa dhe ngashi "Sunlight" ndhoka a totitha ositola ye, sigo a landa oshihauto she.

Lombwela ndje ihe iilonga yomulumentu ngu. Okwa li omulongisikola nenge shikeshike ando? Kutha po omaipopilo. Longitha ethimbo lyoye ino menekela we kookamba omusamsamane nenge omukulukadhi, omumati nenge omukadhona. To kwishitha oshigwana shoye nangoye mwene.

Oondunge ou dhi na lela dha gwana okuninga shoka wa hala oku shi longanga. Iiti yaamo mokuti nenge oombale dhaahe li poshilongo sheni nenge onyala waa na? Likolitha oshilongo shoye nangoye mwene, mu vule okutota po omahangano taga tungu. Emanguluko kali shi onyalo.

Sho omuntu kee hole a tiwe omukwankala, omolwonyalo, hasha shilwe.

Eihumbato tali kana

Iikolitha ihayi tila omuntu, nando na kale a longwa nenge i itala oye omunandunge, yo kayi shi egoya. Otayi ku tokelitha mookamba nuulongi woye, nuupangi woye, nuusitagongalo woye, nojuniolo yoye (Tala kepanja tali landula)

-5-

# EPANGELONGERKI EPE LYA ELOK

OSHIGONGINGERKI SHA ELOK, OSHA HOGOLOLA IILYO IPE MBYOKA TAYI KA KALA MIILONGA UULE WETHIMBO LYOO-MVULA NE TADHI LANDULA, EHOLOLO LYA LYA KUTHA KOOMBINGA ADHIHE NE DHONGERKI.

Iilyo yEpangelongerki oyo ohayi longo iilonga yOshigongingerki shoka shi li omuleli gwOngerki ayihe pethimbo ina shi gongala. Epangelongerki otali tokola shoka shi na okuningwa, otali koleke wo omafaneko gi ili nogi ili nenge oku ga tinda.

Oshilonga shongundu ndjika pamautompango otashi hokololwa ngeyi:

a) Okutonatela nokusila oshimpwiyu oohapu dhaKalunga dhi uvithwe dha yela noinadhi lundululwa nekuvundakanithwa nuupagani nomalongo gompukitho. The omasakramendi ga topolwe nawa pautho lyaKristus.

b) Okutonatela nokusila oshimpwiyu ekwatathano lyopakriste li dhigini-nwe nevangeli lyaKristus li taendelithwe naakwanegongalo yomOngerki yOwambokavango mboka ye li pondje yOwambo noKavango ya yakulwe moompumbwe dhawo dhopamwenyo.

c) Okutokola epopiho lyOngerki pa-

## SWAPO a kanifa ombako ye

Oshoendo shetumo laSwapo sha dile mou-shilo sha yuka mOuninginino omafiku aa, osha kundwa nomadengo mOngandjera, nombako hai longifwa okupopya moyoongalele, oya tataulwa po.

Kakele komoilongo ikwao omo oyoongalele yaSwapo ya ningwa nombili, ngaashi mUukolonkadhi, Uukwaluudhi nOmbalantu, Oswapo oya dengwa nomapokolo komalenga mOngandjera fimbo inai ninga oshoongalele nokutwa mo. Paife oyoongalele ei oya ningwa konyala moilongo aishe yOwambo peenhele dihapu noya hafelwa unene koshwana.

Kombinga yepangelo laNgandjera, osha enda nomukalo umwe u lili.

veta montaneho yaapangeli noo-ngerki oonkwawo nopamwe pwi ili.

Elangeko lyiilyo iipe moshilonga shika, ngashingeyi oli li ngeyi:

Kavango, omusitagongalo Asser Lihongo nomupeha gwe omusitagongalo Natanael Sirono, Uukwanyama, omusitagongalo Josia Mufeti nomupeha gwe omusitagongalo Hendrik Dengeinge.

Uuninginino, omusitagongalo Jason Amakutuwa nomupeha gwe omusitagongalo Mika Iilonga, mOndonga, omusitagongalo Festus Ashipala nomupeha gwe omusitagongalo Salomo Elago.

Peha lyaatumwa omusitagongalo Matti Seppälä nomupeha gwe omusitagongalo Toivo Pentikainen.

+++++++

SHIMWE SHA HOLEKWA .....

Dha za kep. 4

Iikolitha otayi ku tokelitha mookamba nomatilika goye, negumbo lyoye nelugo lyoye kothingo.

Otamu yugathana omahalasa naalongwa yoye naakwanegongalo lyoye, naamwoye nenge niitenya yoye.

Olyo tu emanguluko wa hala li kale muNamibia ndyoka? Ito kutha mo nando ondunge yimwe mehalasa nomonepa, oto tete ko komunwe gwandje hu. Shila eshunduko lyoye mwene nolyoshigwana shoye ashihe to taandelitha. Ihumbata ano ngashi omuntu.

Tokelwa megumbo lyoye, omusamane longa aamati oondunge pohungi, me me longa aakadhona oondunge tadhi tungu. Longeni iilonga yomake.

Omunasikola, longekidha iilongwa yesiku tali landula. Omulongisikola kuutumba poshitafula megumbo lyoye, ikwala momutse u konge mo oondunge dhokutunga nadho Unami-biagona.

U pa alikana ehalo lyokwiilonga, ino u tonditha osikola nonyalo.

-6-

# Etumo lyOombulu mOwambo

ETUMO LYONGERKI YOOMBULU (N.G.KERK), OLYA TAMEKA OSHILONGA SHALYO MOWAMBO MUUKWANYAMA. ONUNO, OLYO EHALA LYOTANGO MPOKA OMUSITA OMU-OMUVALELWAMO NATANAEL PAULUS, A LANGEKWA PO OMOLWOSHILONGA SHOKA.

Pamauvilila opu na wo omahala oma kwawo mOwambo mpoka Ongerki ndjoka ya hala okutameka oshilonga shayo mokati kaaluudhe.

POnankali, moongamba dhegongalo lyaNyaanya, mpoka Ongerki yaElok, tayi longo mokati kAayeleele, opwa dhimbululwa wo einyengo ndyoka.

Nuumvo pehulilo lyaFebuluali, aawiliki yoongerki mbali dha hangana muSuidwes oonkwaluther(VELKSWA) ndhoka tadhi longo mokati kaaluudhe, oya li moonkundathana pamwe naawiliki yOngerki yOombulu mOvendika.

Mwiyaka Ongerki ya N.G. oya holola nkene ya hala okulonga oshilonga shetumo mokati kaaluudhe mOwambo nomuSuidwes alihe, mboka inaa mona natango aniwa ukriste wa syela.

Elalakano lyoonkundathana kalya li ashike okupewa eziminino kuVelkswa ihe okukwathe wo moshilonga shoka mpoka tashi pumbiwa, ano elongelokumwe lya pumbiwa.

Oonkundathana ndhiyaka oonene odha li dha hulile owala ondjilakati sho pwa li kape na eziminathano kutya kape na nando oshikololo shimwe muSuidwes mpoka oongerki oonkwaluther ando inadhi longa po nenge omaitaalo galwe, aawe.

Ishewe kapwa li eziminathano kutya Velkswa ota vulu wo okutameka oshilonga shetumo mokati kaatiligane mboka inaa mona ukriste wa yela.

Hasho ashike sha li po oshidhigu

moonkundathana ndhiyaka. Ongerki yaVelkwa, oya li ye shi yelitha nawa kutya yo kayi vulu shili okugwana nokunyanyukilwa owala owindji womadhina gaakriste ngashi ge li momambo gOngerki, ngela ukriste itau holoka mokukalamwenyo kwesiku kehe.

Shika osho wo shi li nokombinga yOngerki yOombulu, kayi vulu okwiitangela ukriste itau holoka miilonga yesiku kehe.

Ihe, uudhigu otau tsikile meyooloko lyokuuva ko Ombimbeli mekwatathano nokatongotongo niyimati yako, hoka taka popilwa kOngerki ya N.G.

Osho Velkswa a holola ngeyi.

Omumvo 1969, Ongerki ya N.G. oya tetele po elangelokumwe nayo na VELKSWA ndyoka lya adhikile po, opo a tameke aniwa oshilongatumo she mwenemwene. Elongelokumwe ndyoka olya li lya kala po uule womimvo dhi vule 20 nohali ithanwa "Euvathano lya yatatu" (Driehoek-ooreenkoms).

Melongelokumwe ndika N.G. okwa li e na oshimpwiyu oshinene kombinga yofuto yaayevangeliste taa yakula aamati pambepo mUushimba. Aamati mbaka ohaa longo momagumbo nomiilonga yilwe yaatiligane ye li iilyo yOngerki ya N.G. Okweetha euvathano ndika osha halukitha Velkswa.

Konima yeuvathano ndika sho lya teka, N.G. okwa tameke okuhehela Elok aayevangeliste ye, ya ka longe aniwa mOngerki ndjoka nenge oku ya heka ya ethe po uukwaluther wawo noya ninge Aa N.G.

Aayevangeliste oyendji mehalakano oya mono uudhigu owindji komahaka ngaka sho ya uvanekelwa oo-

ndjambi oonene, omagumbo omawanawa nenge iihauto. Shika sho inashi pita nawa, osikola yuuyevangeliste waaluudhe oya dhikwa kOutjo 1972 moka N.G. ti iputudhile ihe ye mwene aanashilonga ye. Naampoka wo sho kee na nale iilyo mokati kaaluudhe, okwa kutha owala Aakwaluther aamati mboka ya yuulukwa omalongo. Ano oshilonga shetumo oshi na eendelelo momadhiladhilo gongerki ndjoka, onke sha tamekwa mOwambo.

# S.A. ina kala meudafano

OSHA TOMHELA NGE NDIHE NA OMALIMBILILO MUSHO KUTYA EFIMBO TU LI KWETE OKUDJA KONE-  
NA ELI FIYO OMUTUMBA WA V.V.O. TAU HOVELE,OLA FIMANA NEENGHONO KOVASUIDWES AVESHE  
NOVE NA OKU LI LONGIFA NAWA.

Osho ohahende Brian O`Linn a popya omafiku aa eshi a aluka ketalelopo laye kuAmerika.

Hahende ou okwa ti kutya efimbo li li po natango fimbo ehokololo laWaldheim inali ku-  
ndafanwa, ola fimana unene noli na okukwatwa nawa, opo ekwatafano la S.A. nOiwana ya  
hangana liha teke. Omutumba otau hovele shiimba muSeptemba.

Omushamane O`Linn okwa kundafana novakwanepangelo vahapu muAmerika nokwa holola omali-  
mbililo a penduka meengudu dihapu kwinya omolwoiningwanima ve i uditile apa itai tu  
kumwe neudafano loministeli omushamane John Vorster nOiwana ya hangana.

Emanguluko lokulinyega nokuninga yo oyoongalele youpolotika moshilongo okulongekida  
emanguluko apa, osho shimwe shomoitwa ihapu ya udanekwa i na okuwanifwa. Hahende o-  
kwa ti:

Epangulo lovawiliki veengudu doupolotika eli la ningwa mOwambo omafiku a dja ko (Jo-  
hannes Nangutuuala naJohn Otto) eshi va ninga oyoongalele, osha holoka momapandja ma-  
nene oifo ihapu yaAmerika.

Epangulo eli inali pwa natango otali ka twikila oihokolola yalo muAguste 15. Hahende  
ou a li omupopili wavo nokwa teeelwa natango e ke shi ninge, ota ti:

Okuninga S.A. ta ningi po sha shi ilwetikile okukoleka omaudaneko aye, oilongo yoko-  
uninginino oi li momalimbillo paife noitai ka mona omukumo wokupopila eenghundafana  
diha tetwe pokati.

Eeyeta ngashi oyo yokukeelela oyoongalele yovapolotika mOwambo, osho oshinima shimwe  
S.A. a teeelwa kounyuni wopondje e di kufe po.

+++++

## EFINAMHANGO LEHANGANO LOVAPOLOTIKA

Ehangano leengudu adishe dovakondjelimangu-  
luko muNamibia (National Convention of Na-  
mibia) ola yandja efinamhango lalo omo mwa  
fatululwa nawa elalakaneno longudu ei.

Eengudu adishe dovapolotika ovalaule moshi-  
longo, ode lipaka kumwe okukondjifa epange-  
lo lokatongotongo ngashi tashi monika yo  
mefinamhango . Oinima ikwao i li mo oyo ei:

+ Okukondjela oufemba wovahepekwa aveshe va-  
Namibia noku va tula moukumwe woukwashiwana  
shimwe omu.

+ Ehangano otali kondjele ouyadi wemangulu-  
ko nowelipangelo lov nhu vaNamibia.

+ Otali ninipike onghedi youkwamihoko pa-  
shilongo, paluvala ile owopalaka, oinima ei  
tai nyono cukumwe wOvanamibia.

Ongudu ei oya fikama meengudu doupolotika

di dule 9, omo shiimba onghelo yado ongudu  
yomushamane Johannes Nangutuuala (Demkop)  
ei ya tambulilwa mo pehovelu lodula ei.

Fiyo opaapa osha holoka mefinamhango kutya  
Ehangano otali pitika omalaka aeshe ovada-  
lelwamo a longifwe paveta.

Otapu longikidwa yo elapi longudu edidiliko  
lombelewa ei tai kala mOvenduka. Oli na  
yo Ewilikongudu layo eli tali endifa oinima  
efiku keshe.

+++++

## ONDJALA MUAFRICA

Ondjala onene otayi inyenge miilongo ya-  
Afrika lyokuuninginino ngashi muMauritania,  
Senegal, Mali, Upper Volta, Niger, Chad  
nosho wo kuumbangalantu waNigeria.

Nonando ekwatho lyiimaliwa nenge lyiikulya  
otali nenepekwa esiku kehe okuhupitha ii-  
longo mbyoka, ndyoka tali zi kuAmerika, otaku  
tiwa onkalo natango ombwinayi notayi tsiki-  
le okunayipala.

T U H E N G E N I O S H I N Y A N Y A N G I D O  
S H E T W E N I

Okudja fiku Ongerki aische ya ongala pomakulukuma noya tala eshi e-kuma li li poluhaela, eemwenyo davahapu inadi tulumukifwa nande koshinima eshi. Omatokolo manene okwa ningwa kooumwe naumwe, ile meengudu nokuli okutungulula Oshinyanyangido shavo

Omushamane umwe okwe likufa eehove mbali itadi kulu vali nomukwao okaanda koilya mutokekashini.

Omaongalo neekomboni otaa ningi shanamutete moshinima eshi shokwo ongela. Fiku ngo oimaliwa tai wa na, olo yo fiku omukangha wetungo tau fewa.

Tu hengeneni oshivanda shetweni, ino tya onda umbila ko nale. Oshikefa shepngulo loimaliwa yeni osho eshi: OSHIKEFA SHETUNGULULO LO-SHINYANYANGIDO SHA ELOK (Elok Press Rebuilding Fund).

Omahekeleko yo moluhodi natango

Evangeli nali taambathanwe

Ethimbo lya piti po ndyoka uuna etumo lyetu lya li tali zilile ashike kombinga yimwe, komutiligane lyuuka komuluudhe.

Osho omuprofesoli David Bosch mu S.A. a holola moshipopiwa she moka a yelitha nawa okukalamwenyo kwomutumwa.

Mehokololo lye okwa ti: Otwa hala okugandja owino wopakriste ando kaaluudhe, otwa hala tu mone ekoko wanamuyo nohatu yemata olwindji sho ukriste wawo inau pya. Ihe otu na epulo enene kutya otatu yi ngiini miilonga?

Itashi ningwa nokugandja taku zi ashike kutse molwashoka otu li aatiligane, yo ya taambe molwashoka aaluudhe, ihe otashi zi k kuukuume wopalongelokalunga, okukondja pamwe nayo, okugalikana pamwe na yo nokupopya nayo.

(Proveritate)

onghe ngo taa kondo taa di kookaume vokokule. Omushamane Günther Reeh, hamushanga mukulu wOngerki ya ELK, okwa nyola ta ti:

Mefimbo lemakelo li fike apa, ovamwameme mu Elok nosho yo ovaitaveli aveshe, onda dimbulukwa kutya inava teka mboli omukumo, nde shapu ova kumikwa ashike nokupamekwa, nande elalakano lomukolokoshi ola li kutya Ongerki i kwatwe koumbada.

Ongerki oya ningi nawa eshi inai lipula nomukolokoshi ou, nde oshinima oye shi fiile momake aKalunga omulweti waaveshe noku mu ilikanena.

Vali onda koneke kutya ovakriste vahapu mwambo ovo va kala va kofa meitavelo lavo, paife ova penduka nokuhaluka nova mona kutya ove na mbofi okuya mekondjo okulumbakana vali nOmwene wavo.

Onghundana ei ii nai mu etele ouwa tau di kuKalunga mwene.

+++++++

O M U K W E T U

Oye oshifo shOngerki onkwaevangeli paluther yomOwambokavango

Ohashi nyanyangidhwa mOniipa.

Omukuluntu gwOshifo omumbisofi dr. L.Auala. Amushanga Rev. Sebulon Ekanjo.

Ondando yOshifo komumvo muSuidwes-Afrika nomi S.Afrika R 1,00 kombanda yomafuta R 2,00.

Oondando nomambesitelo naga tuminwe kOmukwetu, Oniipa, P/Bag 2013, Ondangwa.

Ngoka to tseyitha sha shoye mwene oto futu paule woshinyolwa molwehala ndyoka sha longitha.

Owambokavango Church Press  
Private Bag 2013, Ondangwa SWA